



# PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Presidente di Parlamento  
Sra. America- Francisca  
Wilheminaplein 4  
Presente

Kòrsou, 27 di novèmber 2024

Tópiko: Petishon reunion públiko ku karakter di urgencia: Fundashon Kas Popular un debakel sosial

Apresiabel señora America- Francisca,

Tiki tiki ta bira mas kla den e pais aki, ku e nesesidat básiko di tin un dak riba nan kabes ta bira pa algun irelevante. Resientemente nos a tuma nota ku korte supremo a duna Fundashon Kas Popular (FKP) un hèrmènt, ku sin un kontròl severo por bira desastroso.

Durante e último 25 aña FKP a faya pa kobra retrasonan di här. Segun e veredikto, fechá 26 di novèmber 2024 i deklarashonnan di FKP ta mas ku 2500 kas tin debe di här struktural. Ademas durante di tratamentu di e caso, FKP ta indiká ku pa un òf otro motibu e no a kobra manera mester ta i ku awor si e ta bai hasi esaki. Esaki segun un maneho introdususí na aña 2022, bou di maneho di gabinete MFK.

Segun FKP, su motivashon prinsipal ta ku tin 6000 persona wardando riba un kas i mester di kasnan disponibel pa personanan aki. Asina ta, ku por premirá ku FKP lo por usa e sentensia pa saka e mas òf ménos 2500 personanan aki for di nan kas. Mi ta sigur ku sra. Presidente por imaginá kua debakel sosial esaki por bira. Segun suskritonan ta nesesario pa gobièrnu, ku ta doño di e kasnan aki, tuma un posishon pa ku e veredikto aki i huntu ku FKP bin ku un maneho responsabel.

Durante e último 10 añanan ‘Fundashon E Hende’, a bin ta hasi un yamada na gobièrnu pa atendé e situashon deplorabel den Fundashon Kas Popular. Resientemente ‘Fundashon E Hende’ a hasi un petishon na Parlamento, pa keda skuchá den un reunion público.

Den kuadro di e puntonan arriba menshoná, suskritonan lo kier pidi sra. Presidente pa yama un reunion público ku karakter di urgencia, basá riba art. 64 di reglamentu di òrdú di Parlamento. Ademas suskritonan ta pidi pa invitá minister di VVRP sr. Cooper, representantenan di FKP i representashon di ‘Fundashon E Hende’.

Suskritonan ta konsiente ku no ta kustumber pa invitá un terser den un reunion público, pero e situashon aki ta di tal índole ku ta nesesario pa Parlamento skucha tur aktor i finalmente formulá un posishon. I asina aki ta duna honor na e petishon di Fundashon E Hende tambe.

Danki di antemano,

Ana Maria Paulette

Quincy Girigorie

Steven Croes

